



## **Devisão Relações Públicas, Comunicação e Educação Cívica**

### **Agenda Nº 115/III (2) Reuniau Plenária Extraordinaria Sexta-feira, 10 de Janeiro de 2014**

Sesaun Plenária ba loron ohin nian, prezide husi Presidente Parlamento Nacional Sr. Vicente da Silva Guterres hamutuk ho I<sup>o</sup> Vice Presidente Sr. Adriano do Nascimento, II<sup>o</sup> Vice Presidente Sr. Adjerito Hugo da Costa, Secretária Mesa Sra. Maria Fernanda Lay, I<sup>o</sup> Vice-Secretária Sra. dep. Angelina de Jesus Machado no II<sup>o</sup> Vice Secretária Mesa Sra. dep. Angela Maria Corvelo Sarmento.

Plenária ohin nian, participa mos husi Primeiro Ministro Sr. Kay Rala Xanana Gusmão, Vice Primeiro Ministro Sr. Fernando La Sama de Araújo no membrus V Governu.

#### **Periodo da Ordem do Dia ho agenda únika:**

Diskusaun ba jeneralidade da Proposta de Lei n.10/III (2) kona ba “Orsamentu Geral do Estado da República Democrática de Timor Leste 2014”

Presidente konvida Primeiro Ministro Sr. Kay Rala Xanana Gusmão hodi responde ba Rekomendasau Parlamento Nacional nebe hato’o liu husi Relatorio no Parecer Komisuan C.

Primeiro Ministru Sr. Kay Rala Xanana Gusmão, husu atu ita hotu hatene kona ba realidade Timor Leste nian, ita la ajusta ita nian realidade ho konjutura mundial no regional. PM rekoñese katak iha frajilidade. PM hato’o katak laiha “*kesempurnaan*”/ perfeição maibe komesa buras dadauk ona tamba komesa kria ona pequena industria no cooperativa no buat hirak ne’e ita halao neneik hodi hetan retornu.

Depois ne’e Presidente fo tempo ba deputado sira no husu ba Bancadas Parlamentares sira atu halo controlo ba tempo ba intervensaun. Husi deputado sira no husu ba Bancadas Parlamentares sira atu apresenta lista de intervensaun ba Mesa.

- Senor deputado sira hato’o katak OGE 2014 ne’e OGE especial tamba sei mosu conjuntura foun no sei sustenta ema hotu nia moris;
- OGE ne’e importante maka Agrikultura, Turismo no Petriferu tamba ida ne’e maka sai faktore importante ba OGE;
- Iha OGE 2014 iha categoria lima maka hanesan tuir main ne’e: Salarios e Vencimentos, Bens e Serviços, Transferências Públicas, Capital Menor no Capital de Desenvolvimento maibe, husu ba Governo atu halo controlo ida que klean;
- Senor deputado sira hato’o origado wain no agradese ba Governo tamba aloka orsamento ba Fundo de Capital Humano hodi nune’e bele hasae formasaun ida que diak ba ema nebe ita nesesita hodi reforsa instituisaun estado;
- Senor deputado sira kestiona kona ba viagem estrangeiro, husu atu hatun 20% tamba hahu tinan ne’e Parlamento Nasional koa ona kuaze 20% ba viagem estrangeiro;
- Senor deputado sira husu atu halo controlo ba preso tamba realidade loja barak ho presu la hanesan;

- Senor deputado sira koalia kona ba kriasaun ba Banco Desenvolvimento, oinsa ho possibilidade tamba seidauk kondisoens;
- Senor deputado sira atu halo servisu maka'as hodi nune'e bele hetan suseso ba programa *Zero Fome liu ba MAP, MCIA ho ...*
- Senor deputado sira koalia kona ba konstrusaun Porto Tibar, husu atu adia ba tinan oin tamba tenki halo analise ida que klean maibe rekuinese Porto Dili la sufsiente ona atu simu Roahi ida que barak;
- Senor deputado sira hatao'o katak Governo tarde apresenta OGE 2014 mai Parlamento sem justifikasaun;
- Senor deputado sira koalia kona ba duodécimo nebe akontese iha ano 2013;
- Deputado sira husu atu iha taxa domestica tamba agora dadauk iha ona kareta barak iha cidade Dili laran hodi nune'e bele hasae receitas ba kofre estado;
- Deputado sira koalia kona ba Lei Tributaria liu-liu ba taxa ba Sigaru no Tua, husu atu reve fila fali artigo balun;
- Deputado sira husu ba Governo liu-liu Ministério da Educação atu tau atensaun ba professor kontratadu sira;
- Deputado sira husu ba Governo liu-liu Ministerio da Saúde atu halo combate ba HIV/SIDA tamba Timor Leste rai kiik maibe numero ema nebe maka moras ho HIV/SIDA boot tebes;
- Senor deputado sira husu atu Governo tau atensaun ba Agua no Saneamento tamba ida ne'e importante tebes;
- Senor deputado sira husu atu obras nebe atu implementa antes ne'e halo uluk estudo de viabilidade;
- Deputado sira husu atu hasae imposto hodi nune'e bele hasae receitas estado nian no buka receitas domestikas hodi nune'e labele depende liu ba receitas husi mina rai;
- Senor deputado sira husu atu reforsa economia rai laran hodi suporta sector privado sira;
- Deputado sira louva ho desizaun Governo nebe atu uza material local hodi halo uma MDG's;
- Senor deputado sira husu ba Primeiro Ministro atu halo reforma ba Governo ida ne'e tamba boot liu no afeta ba despesa ba orçamento estado nian;
- Senor deputado sira kestiona kona ba rehabilitasaun ba estrada iha Dili laran no Dili-Baucau nebe uza aspal nebe laiha qualidade tamba ohin halo hotu maibe aban nakloke fila fali ona;
- Senor deputado sira husu ba Governo nusa maka companhia barak maka abandona projeto hanesan konstruksaun esgotu iha Dili laran no rehabilitasaun estrada Tibar-Ermera ate agora companhia la halo;
- Senor deputado sira kestiona Governo tamba sa mak sobu Ponte Comoro tamba ida ne'e sai memoria husi Indonesia;
- Senor deputado sira koalia kona ba problema electricidade tamba electricidade sei continua lakan mate mesmo ita iha Central Metinaro no Betano;
- Senor deputado sira koalia kona ba investimento Tasi Mane, ida ne'e importante hodi dada investimento husi rai liur;

Depois de intervensaun husi deputado sira, Presidente fo tempo ba Primeiro Ministro atu responde ba perguntas, preokupasaun no sugestaun husi Senor deputado sira. PM hato'o katak Projeto Tasi Mane laos deit projecto infraestrutura maibe ninia efeito ba populasaun Timor Leste tomak nebe hasae produto agricola no sei kria emprego barak ba populasaun Timor Leste no populasaun bele iha serteza ba sira nian produto. Kona ba inflasaun no

controlo sasan folin buat sira ne'e mai husi kompetisaun. Kona ba Suplly Base iha ona processo nian laran no aeroporto Suai nian mos iha ona kontrato nian laran. Kona ba LDC liu fasilita liu tamba regime ida sira kaer ne'e diak liu no Governo esforsa atu hari'i Timor Leste ida que foun no controlo mai husi Parlamento Nasional importante tebes. Kona ba atrazu 10 ne'e tamba komprimisu internacional nebe labele consegue adia hanesan ba Africa do Sul no Sudaun do Sul. Kona ba konstruksaun Porto Tibar katak Governo mos esforso hodi nune'e labele mosu kusto ida que boot no hare liu ba PTP. Kona ba uma MDG's ami hanoin katak ita fo ona hanoin foun ba ita nia populasaun hodi bele organiza malu nudar comunidade ida hodi nune'e bele facil atu aseso ba facilidades publiko maibe agora Governo hanoin ona atu troka material local. Kona ba Ponte Comoro atu dehan katak laos deit deputado sira maka preocupa ho valor orçamento no qualidade maibe KAK mos preocupado no PM pronto atu sai suspeito. Governo halo enkotro dala hitu kona ba Ponte Comoro ne'e Governo halo diskusaun dala hitu kona ba nian montante, kona ba Hospital Baucau, CNE no KFP ami buka atu fo sansaun ba companhia nebe kaer projeto hirak ne'e. Kona ba Custo Ponte Comoro II boot ne'e tamba nian demolisaun ba material. Kona ba emergência Governo komesa koa ona hodi nune'e bele evita, kona ba Kama ba Hospital nebe ferujen ami sei buka tempo atu esklaresse ba deputado sira. Kona ba kriasaun Banco de Desenvolvimento nia substansia maka oinsa atu ajuda ita nia setor privado. Kona ba viagem estrangeiro Governo hato'o konkorda ho deputado sira nebe atu redus ba 20%. Kona ba Centro de Formasaun katak Governo aseita no prepara ona atu hari'i Centro de Formasaun. Kona ba recrutamento Governo rekoñese katak iha duni problema ho KFP, Governo mos agradese ba deputado sira nebe foti kestaun kona ba problema professor kontratadu sira.

Depois intervalo almoço, Presidente fo fali tempo ba Senor deputado sira atu halo intervensaun.

- Senor deputado sira koalia kona ba crescimento ekonomiku nebe tenki iha korespondensia ba kriasaun emprego;
- Senor deputado sira koalia kona ba Yellow Road nebe maka aprova iha Conselho de Ministros;
- Senor deputado sira koalia kona ba orçamento nebe aloka ba CNE nebe atu sosa kareta no motorizada;
- Senor deputado sira mos koalia kona ba politika Zona Esklusif Ekonomia nebe sei implementa iha Distrito Oe-cusse;
- Senor deputado sira mos koalia kona ba programa Ita Nian Rai nebe deputado sira hato'o katak persija legislasaun ida ou Lei ida hodi aplika programa ne'e;
- Senor deputado sira husu atu aumenta orçamento ba SEPI hodi nune'e SEPI bele implementa sira nian programa;
- Senor deputado sira husu katak USD\$ 10 milhoens nebe atu fo impresta ba seitor privado ne'e atu tau iha Banco nebe;

Depois ne'e Presidente fo tempo ba Primeiro Ministro atu responde kesatun nebe deputado sira levanta. PM hato'o katak ita hotu husu responsabilidade atu ida-ida kumpri nian knar, buat nebe ohin Sr. dep. Mari Alkatiri hatete ne'e los no importante tebes hodi nune'e ita bele komprende diak liu tan. Kona ba projeto Tasi Mane ne'e atu halo buat ruma nebe produtivo liu. Kona ba legislasaun ne'e los duni husu atu depois de orçamento ne'e husu atu Parlamento Nasional halo ona diskusaun ona buat ruma hodi nune'e bele produs ona ZEE ho buat ida que diak liu. Kona ba profissionais tekniku ne'e importante tebes para hotu-hotu bele transforma ona mentalidade bele muda hodi hadiah estado tomak. Kona ba diagnóstico ba kuantidade rekursus homanos barak tebes maibe qualidade maka ita la hatene. Kona ba veteranos foin dadauk Novembro antes atu ba Kraras Governo ba to'o Uato-Carbau hodi hadiah buat hotu kona ba veteranos. Kona ba Yellow Road laos Lei nebe nudar Presidente de Revisaun ne'e ami simu 2.1 billaun maibe ami koa hotu no atu 1,7 nebe buat ne'e execicio no Yellow Road

ne'e fo hanoin no ita nian kapasidade maka hatudu atu eksekuta no hatun to'o 1.5 Yellow Road ne'e hanesan sirkular deit. Kona ba Agrikultura ne'e tamba sa maka la sai prioridade no iha espacalidade MAP maka sei responde. Kona ba despesas decorrentes nebe ami hasai ona nebe ami tau fali natureza fisiko no sosial hanesan merenda escolar no hospital. Kona ba USD milhoens ne'e ita sei incentiva setor privado hodi dudu setor privado. Kona ba SAMES Governo halo hela uma foun, ita Timor oan nia karakter maka buka gasta osan laos hanoin bisnis. Kona ba EDTL Governo sei halo kobrasan hodi nune'e bele redus ona despesa ida nebe boot tinan ba tinan. Kona ba postura F-FDTL ho PNTL ne'e persija hadia no ita tenki hadiah sira nia postura hirak ne'e. Kona ba falta de qualidade ba obras sira ne'e los duni.

Depois Primeiro Ministros hato'o respota ba intervensaun no komentariu husi Senor deputado sira, Presidente Parlamento Nasional enserra Plenaria tamba horas to'o no husu ba Governu atu prepara an di-diak hodi responde preokupasaun nebe mai husi Senhor deputado sira no sei kontinua fali iha Sabado lora 11 fulan Janeiro tinan 2014 oras 09H00 no sei halo votasaun ba Generalidade.

Cumprimentos

**Devisão Relações Públicas, Comunicação e Educação Cívica**